

Tanke iparramerikarrak berriro irten ziren Panamako kaleetara

Eduardo Herrera koronelak polizia matxinatu zuen ordu batzuz

Estatu Batuen tankeak berriro irten ziren Panamako kaleetara, Eduardo Herrera koronelak gartzelatik ihes egin eta poliziaren koartel nagusien gorde eta gero. Eraikuntza setiatu ondoren, arratsaldean atxilotu zuten Herrera.

LUIS FERNANDEZ / DONOSTIA

Washington-en zabaldutako agiri batean, tropa iparramerikarren irteera Panamako gobernuak eskatuta gertatu zela zehaztu zuen EEBBk. Herrera koronela Indar Publikoaren —polizia— zuzendaria izan zen urrira arte, baina Guillermo Endara lehendakari panamarrak zesatu egin zuen estatu kolpe saiakera batetan nahastuta zegoela eta.

Herenegun gauetz, gartzelatik helikopter batez ihes egin ondoren, Indar Publikoaren egoitza zentrolean gorde zen Herrera, bere partaideren batzuekin. Matxinatuek estatu kolperik ez zutela nahi errepikatu zuten beren komunikatuetan, baina Panamako polizia koartel guztiak beren alde zeudela ere esan zuten. Herrerrak polizia beraren egoeraren hobekuntza eskatzen zuen batez ere.

Koartela hartu bezain pronto, Panamako Kanaleko tropa iparrameri-



Guillermo Endara lehendakariak eskatuta parte hartu du EEBBk

SOSLAIA


Amerikarren begiko omen zen

Eduardo Herrera koronela Noriegaren kontrako sutsua izan zen generalaren azken urteetan, baina aurretik diplomatikoa izan zenn egin ondoren, batez ere Israelen. Torrijos lehendakari izandakoaren senitartekoa da, eta EEBBk ondo ikusitako gizona zela zirudien. Duela urtebete, armada desegitean, eratu zen polizia zibilean sartu zen Herrera, eta erakunde honen hirugarren zuzendaria izan zen, aurrekoak zesatu eta gero. Urrian, bera ere zesatu zuten, baita gartzelan sartu ere, estatu kolpe ez oso argi baten traman inplikaturik zegoela eta.

karrak —soldadu eta tankeak— irten eta inguratu egin zuten egoitza. Bertako eguerdi aldera, Herrerrak irten egin zuen koartelatik bere jarraitzaileekin, baina tankeen setioa gainditu eta berriro ihes egin zuen koronelak. Azkenean auzo batean atzeman zuten soldadek EEBBko soldadek.

PANAMA: Panama eta Estatu Batuen arteko erlazioak oso onak ez diren unean gertatu da intzidente hau. Panamaren egoera ekonomiko kritikoa da, eta Estatu Batuek ez dute sinatu nahi laguntza hitzarmenik baldin eta Panamak ez duen aldatzen bere banku sistema, paradisu fiskala defraudatzaile amerikarrentzat. Narkotrafikoak ere bizirik segitzen du, Noriega gabe ere.

Administrazio aldetik ere egoera kaotikoa da Panaman. Armada desegin egin zuten Noriega eraitsi ondoren, eta bere orde ezaratu den Indar Publikoa da, 10.000 gizoneko talde zibil bat, gehienez pistolaz armatuak. Indar Publiko hau erakunde istilutsua izan da sortu zenetik. Urtebete honetan lau zuzendari izan ditu (Herrera hirugarrena). Herrera koronela estatu kolpe batean nahastuta omen zegoelako gartzelaratu zuen Endarak, baina ez dirudi funtsa handiko akusazioak.



Noriega gartzelan.

Noriegaren grabaketak gaur kaleratuko dituzte

MIAMI

William Hoeveler epaileak Manuel Antonio Noriegaren berriketak gordetzen dituzten zintak publiko egin daitezela agindu zuen herenegun Miamin, Panaman tankeak berriro kalera irten baino lehenago. Aditza eman duenez, gaur bertan kaleratuko du zinten transkripzioa Hoevelerrek.

Panamako agintari ohiaren kasuan piztu den eskadalu honek zantalzan jarri du epailetaren jarraipena. Noriegaren abokatuen eritziz, defentsaren komentarioak grabatuta egoiteak ez du bermatzen epai zuzenik.

Zinta polemikoen berria CNN telebista kateak kaleratu zuen duela hilabete. Poliziak Noriega generalak bere abokatuekin izandako berriketa pribatuak grabatu egin zituen, eta zintak kazetarien esku geratu ziren azkenik filtrazio baten ondoren. Berria jakin bezain pronto, Noriegaren abokatuak, Peter Rubinok, juizio bertan behera uztea eskatu zuen, egoera honetan «epai zuzena» ezinezkoa dela eta.

Eskandalua piztean, William Hoeveler epaileak CNNri zintak konfiskatzea erabaki zuen, eta epaitegi eta telebistaren artean bataila juridikoa piztu zen. Zintek zekartena emititzeko debekua eman arren telebistari, CNNk aiderratu egin zituen zati batzuk.

BURUHAUSTE GALANTA EEBB-RENTZAT Panamako inbasioaren lehen urtemugarako gutxi falta den honetan, Noriega generalaren kontrako epaia buruhauste galanta bilakatu zaio Washington-eko justiziari, nahiz eta epai hau izan zen inbasiorako aitzakietariko bat.

Manuel Antonio Noriega «gerrako preso» bezala trata dezaten eskatu dio behin eta berriro epaileari, eta uniforme militarraz janzteko baimena lortu du azkenean. Narkotrafikoan inplikazioa frogatzeko, Justizia Departamentu estatubatuarrek 25 bat abokatu kontratatu ditu, eta 30 milioi dolar (3.000 milioi pezeta, 150 milioi libera) gastatu ere bai.



Soviet Batasuneko krisia baretzeko Alemaniaren laguntza hasi da heltzen. FREUTER

Erresistentzia deia zabaldu du Lituaniako legebiltzarrak

VILNIUS

Okupazio sovietaurrean aurrean erresistentziarako unea heldu dela esan zuen herenegun Vilnius-en, Lituaniako legebiltzarreko lehendakariak, Vitautas Landsbergis-ek. «Hurbil dago Egunak», esan zuen Landsbergis-ek —praktikan Lituaniako lehendakari— errepublika baltiar honetako Soviet Goren edo legebiltzarren aurrean.

Mikhail Gorbaxov-ek Lituaniar larritasun egoera ezartzeko arriskua aipatu zuen buruzagi independentistak. «Erresistentziarako medio guztiak eskura izan behar ditugu horri aurre egiteko», gehitu zuen. 1940ko okupazio aipatu zuen baita ere Landsbergis-ek. Orduko hartan, Lituaniar ez zen egon Armada Gorriaren kontrako erantzunik baina jarrera hura justifikatu egin du orain

Landsbergis-ek. «Baina orain bada-kigu zer den okupazio sovieta eta erresistentzia beharrezkoa zaigu», lituaniararen eritziz.

Soviet Goren lituaniarra erresistentzia baketsua bideratzeko proiektu bat diskutitzen ari da Vilnius hiriburuan. Bitartean, gobernu zentralarekin hasi zituzten negoziaketak geldirik daude. Lituaniar aurrekontu estatalei dagokion partea ordain dezan nahi du Gorbaxov-ek, eta baita ere esportazioetatik errepublika horretan lortzen dituzten dibisen %70a.

Lituaniaren jarrera berria, juxtu Gorbaxov lehendakariak berea gogortu duen unean heldu da. Boterearen paralisia gainditzeko, exekuti-boaren eraketa berrantolatzea erabaki du Gorbaxov-ek, hilaren 17tik aurrera Soviet Gorenaren barnean diskutitzeko.

LIBURUAK
Hontza
Okendo, 4 - 20004 DONOSTIA
Telf: 42 82 89 / Faxe: 43 12 56

Ameiaur
KOSMETIKA
NATURALA
Urbieta, 55 - Tel. 45 13 94
DONOSTIA

Gure hizkuntza Araban ere
bertso bezala da gora;
laister euskara egingo dugu
Adurretik Ebrora.
Abel Enbeita
errikoia
LIBURUDENDA
Plaza Berria 14
Virgen Blanca 1
TI. 23 16 79. GASTEIZ